

Broj: 01-11-12-259-4/20
Sarajevo, 05.06.2020. godine

Na temelju člana 111. stav (1) tačka d), člana 70. stav (4) i člana 69. stav (3) Zakona o javnim nabavkama („Službeni glasnik BiH“, broj 39/14), a u vezi sa rješenjem Ureda za razmatranje žalbi, broj: JN2-03-07-1-877-7/20 od 28.05.2020. godine, direktor Federalne uprave za geodetske i imovinsko-pravne poslove d o n o s i

O D L U K U

**o poništenju otvorenog postupka nabavke usluga - „Komasacija dijelova općina
(Izrada projekta komasacije za retenziju u općini Odžak)“**

I

Poništava se otvoreni postupak javne nabavke usluga – „Komasacija dijelova općina (Izrada projekta komasacije za retenziju u općini Odžak)“, u skladu sa rješenjem Ureda za razmatranje žalbi, broj: JN2-03-07-1-877-7/20 od 28.05.2020. godine, a vezano za žalbu izjavljenu od strane ponuđača „Institut za građevinarstvo IG“ d.o.o. Banja Luka, zastupanog po punomoćniku mr. Duški Bogojević, advokatu iz Banja Luke, od dana 09.04.2020. godine.

II

Ova Odluka će se dostaviti svim učesnicima u predmetnom postupku nabavke usluga koji su preuzeli tendersku dokumentaciju putem web Portala Agencije za javne nabavke BiH, te objaviti na službenoj internet stranici Federalne uprave za geodetske i imovinsko-pravne poslove.

III

Ova Odluka stupa na snagu danom donošenja.

O b r a z l o ž e n j e

Otvoreni postupak javne nabavke usluga - „Komasacija dijelova općina (Izrada projekta komasacije za retenziju u općini Odžak)“ pokrenut je Odlukom direktora Federalne uprave za geodetske i imovinsko-pravne, broj: 01-11-12-259/20 od 11.02.2020. godine, te objavom Obavještenja o nabavci na web Portalu Agencije za javne nabavke BiH, broj: 399-1-2-5-3-7/20 od 01.04.2020. godine.

Dana 10.04.2020. godine na protokol ovog ugovornog organa zaprimljena je žalba ponuđača „Institut za građevinarstvo IG“ d.o.o. Banja Luka, zastupanog po punomoćniku mr. Duški Bogojević, advokatu iz Banja Luke, od dana 09.10.2020. godine, izjavljena na tendersku dokumentaciju u ovom postupku nabavke usluga.

Obzirom na izjavljenu žalbu, predmetni postupak je obustavljen Odlukom ovog ugovornog organa, broj: 01-11-12-259-3/20 od 17.04.2020. godine, te je žalba, u skladu sa Zakonom, proslijeđena Uredu za razmatranje žalbi, kao nadležnom drugostepenom organu u postupcima javnih nabavki.

Postupajući u skladu sa nadležnostima, Ured za razmatranje žalbi je donio rješenje, broj: JN2-03-07-1-877-7/20 od 28.05.2020. godine, kojim je žalba imenovanog ponuđača usvojena, te je istim u cjelosti poništena tenderska dokumentacija u ovom postupku javne nabavke, skupa sa Obavještenjem o nabavci, broj: 399-1-2-5-3-7/20 od 01.04.2020. godine.

S tim u vezi, ovaj ugovorni organ će izvršiti ponovno objavljivanje ovog postupka nabavke usluga u sistemu e-Nabavke, sa novom tenderskom dokumentacijom i obavještenjem o nabavci, u skladu sa uputama, odnosno primjedbama Ureda za razmatranje žalbi, iznesenih u citiranom rješenju.

Imajući u vidu prethodno navedeno, a u skladu sa Zakonom o javnim nabavkama („Službeni glasnik BiH“ broj 39/14), odlučeno je kao u dispozitivu ove Odluke.



DIREKTOR

Željko Obradović, dipl.ing.geod.

DOSTAVITI:

1. Učesnicima u postupku predmetne nabavke (koji su preuzeli tendersku dokumentaciju);
2. Komisiji za javnu nabavku;
3. U spis.